

OURENSE

Francisco Carballo une aos nacionalistas

Maceda homenaxeou esta tarde a un dos seus veciños máis ilustres, referente do nacionalismo, falecido recentemente

MIGUEL ASCÓN

OURENSE / LA VOZ 27 de diciembre de 2014 20:47

3 votos



SANTI M. AMIL

Hai figuras que xeran consensos no nacionalismo galego máis alá da actual multiplicidade de siglas que existe nese ámbito político. Un deses personaxes é, sen dúbida, Francisco Carballo, ao que o Concello de Maceda rendeu homenaxe esta tarde. Non en van, tratábase, ata a súa morte o pasado mes de novembro, dun dos seus veciños máis ilustres. Nado en Celeirón de Asadur, este sacerdote foi tamén un dos máis importantes referentes do nacionalismo galego. Esa condición quedou clara hoxe vendo xuntos de novo aos dirixentes do BNG co alcalde de Maceda, Xabier Oviedo, que deixou a fronte para entrar en Compromiso por Galicia. O actual voceiro nacional do Bloque, Xavier Vence, o seu líder parlamentario, Francisco Jorquera, ou o histórico da UPG Francisco Rodríguez foron algúns dos asistentes ao acto de hoxe. O primeiro dos citados dixo que Carballo destacou polos seus esforzos «para que Galicia tivera conciencia de si mesma».

Ademais do da política, estivo presente o mundo da cultura, entre eles Cesáreo Sánchez, presidente de Asociación de Escritores en Lingua Galega, que lle outorgara a Carballo o premio Bos e Xenerosos no ano 2012 para recoñecerlle o seu traballo nese ámbito. Ese era precisamente o lema do atril desde que o que falou tamén Milagros Calvo, sobriña súa, en nome da familia.